

**Zvonko Marić**

Šef Kluba zastupnika SBB-a u Skupštini Kantona Sarajevo

## **INICIJATIVA**

Podnosim inicijativu da Ministarstvo za odgoj i obrazovanje Kantona Sarajevo, revidira i ispravi naredbu od 02.02.2021.godine br: 11/04-34-2024-3/21 i uskladi je sa Odlukom o dopustivosti i meritumu Ustavnog suda br: AP-3683/20, u dijelu koji se odnosi na nošenje maski, za vrijeme boravka učenika razredne nastave u školama na području Kantona Sarajevo.

Obrazloženje:

U Kantonu Sarajevo, nastava se realizirala prema kombinovanom modelu, a početkom nove školske godine, naši učenici su počeli, postepeno da se vraćaju u školske klupe. Protokol za povratak u školske klupe, kreiran je u skladu sa UNICEF-ovim „Smjernicama za siguran povratak učenika u škole“. Navedeni protokol, usvojen je u većini europskih zemalja, s tim da ga je, određeni broj zemalja, prilagodio, sukladno, epidemiološkim (ne)prilikama u tim zemljama. U našem kantonu, također smo primjenili navedene smjernice, ali prilagođene trenutnom epidemiološkom stanju. Nakon toga nastupio je raspust - i novi val COVID19.

Iskustvo nam je pokazalo, da je nešto više, od 1% nastavnika i učenika bilo zaraženo. Zaključujemo da je „Kombinovani model realizacije nastave u KS“ (podsjetio bih da je preko 50 stručnjaka radilo na kreiranju tog modela), bio iznimno uspješan, jer su škole postale „sigurne zone“, kada je riječ o prijenosu virusa.

Upozoravam, da naše Ministarstvo ne bi trebalo djelovati, na način, da postupa, suprotno Odluci Ustavnog suda, potom, Mišljenju Svjetske zdravstvene organizacije i na koncu, suprotno Unicefovim smjernicama za povratak učenika u škole.

Danas naši učenici razredne nastave, obavezni su da nose maske tokom cijelog nastavnog procesa, a ukoliko žele pohađati online nastavu, u obavezi su dostaviti ljekarsko uvjerenje, gdje mora pisati da učenik ima respiratorne poteškoće. Dakle, zanemareni su svi rizični članovi domaćinstva, a učenici sa respiratornim teškoćama, dovedeni u dodatni rizik, da posjećuju ambulante i dispanzere, kako bi eventualno dobili ljekarsko uvjerenje.

Zvonko Marić

šef Kluba zastupnika SBB-a